

不退轉法輪經

卷四

百四十一
賴四

不退轉法輪經卷第四

賴

僧祐錄云安公涼土異經在北涼第二譯

現見品第八

尔時阿難白佛言世尊若聞是法次第第信解
不生疑惑如是族姓男女得成就幾所福佛
告阿難若族姓男女住阿耨多羅三藐三菩
提復以閻浮提滿中七寶供養諸佛者是人
功德不如得聞此經次第第句義信解不疑其
福甚多置閻浮提滿中七寶供養諸佛假設
恒河沙世界滿中珍寶供養諸佛復有善男
子善女人得聞是經次第第句義信解不疑心亦
不悔是人功德復倍於彼尔時世尊而說偈言

假使三千界

滿中諸珍寶

供養於如來

救度於世間

若佛說此經

有能諦聽者

智慧得解脫

其福倍過彼

譬如恒河沙

於此諸世界

七寶悉充滿

盡施一切智

於佛之所說

信受是經典

是為解脫智

其福亦倍彼

尔時阿難白佛言世尊若有族姓男女信解

是經受持讀誦為他人說得幾所福佛告阿

難如是族姓男女住無上道於百劫中修行

布施供養如來遠離此經百劫持戒百劫忍

辱精進禪定智慧復於百劫得五神通修世

間智具足戒身若有遠離此經典者是則不

名尊重供養於諸如來若有善男子善女人
信解是經受持讀誦復為他說其所得福倍
多於上今時世尊而說偈言

假使滿百劫

一切諸餽饌

供養救世者

不名尊重供

若欲供養者

當受持是經

捨除福報想

修行法供養

如是供養者

是名真供養

以法為供養

如來法身故

假使滿百劫

以衣服供養

救世之世尊

多諸衣服施

不名為供養

有能持經者

是名真供養

最上之第一

假使滿百劫

常散諸天華

奉上諸世尊

不名為供養

若作第一供

救世能度者

應受持此經

能除果報相
一切如須弥
衆供養中上
假使滿百劫
不名爲最勝
亦於持經中
亦不爲破戒
若能學此經
而實無所學
於戒得具足
有人修忍辱
乃至截手足

若造七寶塔
不名供養佛
能持此經者
修持於佛戒
聽經而持戒
而無持經想
能學此經者
亦善學菩提
能如是持戒
是名持戒者
搗罵不還報
而不起異想

爲救世建立
此爲最大供
不見我身相
而不持此經
於戒爲最上
不名爲犯戒
如我之所說
雖同學菩提
此經所顯示
假使滿百劫
一切皆能忍
亦不生怨嫌

一切無所念

能行是忍者

具足滿百劫

雖修如是忍

而心不為勝

是忍最第一

亦名為善修

若能聞此經

信解而受持

是名最勝忍

第一無有上

若於此經中

聞已能信解

欲求於無礙

無上佛智者

當受持此經

則能速具得

假使滿百劫

精進常不坐

經行已過時

除去於睡眠

智者修是經

應為人演說

則得無所畏

是名勝精進

假使滿百劫

而得五神通

若不聞此經

不名勝神通

若能持此經

是名勝神通

神通中最上

知義而不著

假設滿百劫

常作明智人

成就世間智

決了於世間

若不學此經

不名為智者

若能持此經

乃名為勇健

若能如是知

是名為智者

受持此經典

聞則能信解

顯示於此經

智者所行處

若能持此經

應加勤精進

亦時阿難復說偈言

行滿百由旬

或至千由旬

當詣於智者

有是經法處

常應到彼所

為聽是經故

聽已而信解

其心恒隨順

假滿世界火

百千億由旬

若有此經處

智者宜疾聽

若求聖禪定

諸禪中最上

當說如是經

為滅諸結使

若有欲捨去

樂著於世間

爲顯示此經

如佛之所說

若欲見諸佛

阿閼爲最上

於諸受持中

此經爲第一

欲得一切樂

修諸菩薩行

應當說此經

速到安樂處

欲見三佛陀

安養難思議

應爲演此經

如佛之所說

尔時佛告阿難善哉善哉說是經時族姓男

女若得聞者心不散乱讀誦此經遠離一切

諸親近處亦悉滅除一切想識若欲見佛即

便得見臨壽終時則能面見百千諸佛何以

故如是族姓子等爲一切諸佛之所護念說是

經已復能受持讀誦信解亦爲他人分別演說

安養國品第九

尔時比丘比丘尼優婆塞優婆夷四衆之中
時有童女名曰師子與五百童女俱白佛言
世尊若有女人讀誦此經復能爲他分別解
說得幾所福佛告師子童女若有女人任阿
耨多羅三藐三菩提受持讀誦如是經典爲
人解說當知此等是最後女身更不復受何
以故已能受持讀誦此經爲他說故而心無
亂一切結使皆得除滅若是女人應起結使
亦令不起師子白佛言世尊去何是女人相
能生煩惱佛言師子若有女人見他端正女
人及諸瓔珞摩尼等寶而自莊嚴受於快樂
見是事已便生染著不解觀察譬如畫瓶但

飾其外凡愚臭穢亦復如是不淨所薰屎尿
充滿不知觀察如是等相便生樂著而起染
心以是因緣常受女身復告師子言一切女
人多生嫉妬欺誑妄語心口俱異或對面語
爲乞句故往至比丘所而不爲法生瞋恚心
及睡掉心但爲慣鬧親近俗事而於此經作
不利益不肯聽受不說不誦晝夜常起諸煩
惱心遠離解脫有如是等心故受女身不得
遠離是故師子一切女人皆悉應作如是觀
察我當云何斷諸結使不令復有如是女人
無利益事當聽是經受持讀誦亦爲他說何
以故得聞是經分別次第必能離於一切結

使時師子言若有女人讀誦此經爲他解說
求捨女身當可不佛言師子若有女人受
持讀誦此經典者是最後女身更不復受除
其方便神通變化現受女者師子譬如有入
然大火聚而自投之既投火已復作是言莫
燒我身亦使我身莫作異色師子於汝意云
何是人雖作此語得如所言不師子荅言不
也世尊何以故是大火聚性能燒物滅除身
色佛言師子此經亦復如是能燒一切結使
行薪若欲捨女身相即得離欲成就佛法欲
見無量無數阿僧祇諸佛得無礙辯欲發慈
心一切衆生者亦當受持讀誦書寫此經是

時師子及五百童女白佛言世尊我從定光
佛所得聞是經受持讀誦我今復為無量眾
生重說顯示。爾時阿難白佛言世尊今此師
子及五百童女何故不轉女身。佛告阿難汝
今謂是師子及五百童女是實女耶。阿難言
如是世尊。佛答阿難莫作是語。何以故。如此
師子及五百童女皆是現為女身。非真實也。
何以故。但為未來眾。生示現變化。憐愍一切
諸女人。故現為女。像獸離女身。何以故。若作
男形。則不能入一切處。故阿難此師子等亦
非男。非女。何以故。一切諸法皆非男。非女。出
過一切法。無相可得。是真照明。阿難是師子。

等隨順世法故受女身為化諸女隨已修學
尔時有五百比丘尼從坐而起頭面禮足白
佛言世尊我等從今以往當受持讀誦書寫
此經為他解說何以故我等受此女身無所
利益宜速厭離自從今日若未解者當令得
解若未聞者當令得聞初中後夜除其睡眠
繫念思惟佛言諸比丘尼善哉善哉汝等發
大莊嚴以自莊嚴興大精進勇猛第一皆悉
厭離樂捨女身為欲利益一切佛法受持此
經書寫讀誦為他演說汝等皆是最後受於
女身諸比丘尼聞是語已踊躍歡喜皆脫上
服以供養佛作是施已而說偈言

我等蒙安慰
人中最上說

為得男子身

如來無二言

尔時四部眾中有五百長者夫人從坐而起
整其衣服右膝著地長跪叉手白佛言世尊
我等亦從今日受持讀誦書寫解說但是女
身為他所制不得自在懷妊十月去何當得
免斯苦耶何以故若處深宮為王拘攝或為
父母兒誓禁制從今已往當勤精進專行修
習乃至終身受持正法於是世尊讚歎五百
長者夫人善哉善哉如汝所說汝等從今永
捨女身不復繼屬承事他人亦無懷妊十月
等苦離於婬欲及諸胞胎世世常生淨佛國

土。今時阿難白佛言。世尊。如是諸姊。得離女
身。生何淨土。佛言。此諸姊等。當生寶藏蓮華
光世界。阿難白佛言。世尊。如彼世界。佛号何
等。佛言。於彼世界。有佛号一切寶如意王。光
明如來。至真等正覺。今現在彼。為諸衆生種
種說法。如是族姓女等。悉生彼國。於彼佛所
得聞此經。今時長者夫人。聞佛說已。歡喜踊
躍。即解瓔珞價直百千。以奉散佛。如是供養
已。即說偈言。

我等蒙安慰

捨離於女身

如來無二言

所說皆真實

女身為最惡

當願速捨離

凡愚之所迷

不知真實相

胎生女最惡

願更不復受。得離女胎已。菩提爲無上。
尔時諸長者夫人瞻仰如來自不暫捨釋提
桓因以天曼陀羅華散於佛上我等亦當受
持此經佛言憍尸迦汝若與阿脩羅戰時常
使得勝不令退散尔時文殊師利法王子與
百千億衆生皆悉發於善根因緣文殊師利
白佛言世尊如來未發菩提心時我已轉此
不退法輪佛言文殊師利十方無量億諸菩
薩等皆發大勝光明猶如日輪如是大地亦
皆六返震動諸天雨華盈沒於膝尔時阿難
白佛言世尊以何因緣大地六返震動諸天
雨華佛言是無量百千億天聞文殊師利所

說心生歡喜故雨此華而作是言我等皆當
受持書寫讀誦此經亦願當得如文殊師利
說如是法得聞經已心生歡喜大地一切普
皆震動諸天雨華尔時阿難白佛言世尊是
經能成諸大功德是經甚深最爲希有若有
衆生得聞是經一經耳者當知是人不從小
功德來佛言如是阿難當知是族姓男女皆
已供養過去諸佛是故今於此會得聞是經
心生信解乃能受持讀誦解說有此經處即
是一切天人中塔利益無量其福不虛若是
經卷所住之處及能受持乃至書寫者皆應
供養如世尊想聞是經者命終皆得不墮惡

道降伏衆魔建立法幢常燃法炬照諸幽冥
能吹法螺到菩提樹擊大法鼓開闡法門雨
大法雨有求法者皆悉滿足顯示法界盡開
過去諸佛伏藏知一切法除色受想行識想
遠離眼耳鼻舌身意思離一切法想乃至佛
想若聞是經信解受持讀誦之者是眞佛子
皆從法生阿難若有善男子等若欲食法味
坐於道場菩提樹下如我不異皆當受持讀
誦此經爲他人說乃至手持經卷恭敬供養
阿難白佛言世尊於末劫中當有人能受持
讀誦手持此經恭敬供養不佛言若今聞經
明信解了於將來世亦能受持讀誦爲他解

說手持此經禮拜供養若有沙門婆羅門天
人及阿脩羅今聞此經於未來世更不聞者
無有是處何以故以今聞法因緣力故若於
後世亦得聞法必能信解譬如長者多諸男
女其家大富財寶無量金銀琉璃珊瑚琥珀
砗磲碼碯貝珠珂貝奴婢僮僕象馬車乘有
如是等一切財寶置之於後遊行他方還至
本處得此寶不阿難言得何以故此諸財寶
本屬已故佛言阿難如是法寶今得聞者即
是已法後還復聞我今亦以佛眼見現在世
受持讀誦此經典者後則還得如今無異若
未來世有諸衆生受持此經者皆以佛眼觀

察如今所見汝等無有異若有誹謗此經典者我以佛眼覷見此人亦如今日阿難白佛言世尊若人不信不解誹謗是經當趣何所佛言止止阿難莫作是問阿難白佛言世尊唯願說之當使未來衆生有不信者聞斯果報則便恐怖今生信解佛言若是誹謗不信果報所受苦痛與五逆業其罪同等若以利刀殺害衆生滿三千大千世界於意云何是人罪報當趣何所阿難言是人業報當趣惡道佛言阿難汝今應當作如是知若恒河沙諸佛入涅槃後爲供養舍利造作塔廟有人惡心焚燒毀壞於意云何是人當得幾所罪

報阿難言如是人等受報甚苦則不可說亦不可聞若誹謗此經說其過惡所得罪報亦復如是不可得聞何以故是人毀壞過去未來現在諸佛一切法眼故佛言若見有人受持讀誦此經典者而起誹謗輕笑毀訾教他不信今使是人不得讀誦如法受持當知是人其罪甚重復多於彼阿難言若滿三千大千世界衆生具足十善住菩提道若有壞如是等人眼者得幾所罪佛言是人當於無量阿僧祇劫所受諸身則常生盲於地獄中受苦無間常挑其目佛言若有一人於此經中而生誹謗心不信者我說是人罪亦如彼阿

難言若有菩薩住於菩提信解此經受持不
疑當趣何所佛言是名隨順供養諸佛等無
有異阿難言若復有人不信是經而自誹謗
亦教他人今生誹謗如此人者當受何身受
何等苦佛言止止阿難莫作是問阿難言唯
願世尊時為解說今此四衆若有疑惑生不
信者若聞說已當自悔過得生信心佛言若
復有人不信是經向他誹謗當得十千由旬
身受如是大形獲無量苦阿難言是人不慎
舌故復有何相佛言此人罪報其舌縱廣一
千由旬以五百億大熱鐵犁而耕其舌復以
五百億大熱鐵丸雨其舌上何以故不慎惡

業誹謗過故受如是苦。今時四衆聞是語已，
身毛皆豎，悲泣盈目，自投於地，皆共同聲唱，
如是言：「世尊，若族姓男女如是誹謗，當獲斯
罪，是故我今代其懺悔，使滅衆苦，不受如是
大惡果報。今於佛前及餘十方無量佛前，我等
愚冥不自知過，唯有佛眼實見實證，皆悉懺
悔。自今以後，不敢重作，猶如嬰兒無所識知，
不能曉了，分別善根。我今至誠深自各責，唯
願世尊當垂憐愍，受我懺悔。」佛言：「善哉善哉，
是時四衆各言：『我今誠心自歸，所有諸罪悉
皆懺悔，不敢覆藏。』佛言：『汝等如是至心懺悔，
一切善法無不增長。』今時阿難白佛言：『世尊，

今此衆中有生疑者得業罪障亦如是耶佛
時荅言於此衆中若生疑者可即懺悔所有
餘罪受報輕微阿難言云何受罪輕微佛言
是人臨命終時諸毛孔中皆悉受苦喻如泥
犁等無有異何以故能信如來所說言教及
信無量阿僧祇佛亦自悔過阿難是族姓男
女則不捨過去未來現在一切佛眼若彼欲
見無量阿僧祇佛及見無量金剛葉蓮華光
明遍照殊勝妙相尔時釋提桓因現長者身
以種種華散諸四衆唱如是言當以此華供
養於佛乃至供養如是經典尔時四衆即取
諸華以散佛上變成華蓋而白佛言世尊以

何因緣現是瑞相今於佛前有是蓮華及無
量恒河沙一切佛前亦復皆有如是等華佛
言爲說是經功德威力故現此瑞如是相者
當知皆是神力所持今時阿難白佛言世尊
佛威神力乃至如是護持法耶佛言阿難實
我神力護持是法乃至恒河沙諸佛亦皆護持
今時阿難白佛言世尊此經當何名斯經云
何受持佛言是經名爲無著果無有種種諸雜
惡報如是受持信行法行八輩須陀洹斯陀
含阿那含阿羅漢辟支佛解是假名無有真
實如是受持名爲捨魔如是受持亦名六波
羅蜜如是受持何以故阿難若有如是信解

受持讀誦書寫此經爲他人說當知是善男子善女人即是具足六波羅蜜阿難言云何受持讀誦書寫此經爲他人說即得具足六波羅蜜佛言若善男子善女人等有能信解此經典者即具足檀波羅蜜於此法中不生疑惑是名具足尸波羅蜜堪受此經是名具足羸提波羅蜜能於此經心不退沒是名具足毗離耶波羅蜜信樂此經心不散亂是名具足禪波羅蜜諦了此經無分別想是名具足般若波羅蜜是故此經與六波羅蜜相應亦名一切諸佛所說不退法輪廣博嚴淨阿難言是經名字不可得聞何況得見初中後

善具足受持佛言如是如是實如汝說阿難
言得聞此經是人生死餘幾所耶佛言若人
得聞不退法輪廣博嚴淨方等經名此人生
死餘則千劫阿難言若聞此經名字信解能
受發菩提心是人功德當任何地佛言若有
得聞是經名者則受阿耨多羅三藐三菩提
記得不退轉地尔時四眾前皆有蓮華座若
千種色復有百千萬億種葉時諸四眾踊躍
歡喜各取此華以奉散佛而作是言我等皆
當為人廣說如是經典分別顯示使不斷絕
尔時世尊熙怡微笑作天伎樂香風時來其
氣芬馥多有諸天於虛空中亦作無量種種

天樂雨諸天香細末旃檀沉水膠香閻浮檀
金末及諸銀末摩尼寶網羅覆其上及五種
色曼陀羅華摩訶曼陀羅華曼殊沙華摩訶
曼殊沙華迦迦羅華摩訶迦迦羅華一切優
鉢羅蓮華拘物頭華分陀利華及香瓔珞塗
香末香一切諸天所有供養遍滿虛空地上
人民亦整衣服散華供養復有諸餘衆生皆
以臂脚寶環手釧解頸諸瓔無量寶冠以奉
上佛復有諸餘衆生以其金銀散於佛上復
有諸餘衆生心皆歡喜出大音聲唱言善哉
善哉及諸象馬出和雅音虛空諸鳥隨類音
聲以用供養地獄衆生皆得暫樂畜生衆生

更相愛念如父母想閻羅王界一切衆生亦
暫受樂餓鬼衆生皆悉得除飢渴苦惱尔時
天龍夜叉軋闍婆阿脩羅迦樓羅緊那羅摩
睺羅伽人非人等各受快樂更相慈愍猶如
父子尔時阿難白佛言世尊如來今者以何
因緣而微笑耶尔時佛告阿難一切四衆比
丘比丘尼優婆塞優婆夷天龍夜叉軋闍婆
阿脩羅迦樓羅緊那羅摩睺羅伽人非人等
若於今世後世聞此經者皆得不退轉於阿
耨多羅三藐三菩提能為他人廣說是經無
所損減亦如我今分別解說等無有異阿難
聞此經已心生信解即是佛種何況受持讀

誦修行當知是人去一切智利則為不遠當
得一切智自然智是故此經名不退轉法輪
之印能為諸菩薩等作大利益亦為一切衆
生發於無上道心因緣能發心已便於此經
具足成就阿難如來以一切智示諸衆生若
復有人雖離佛智但聞此經即得自然智及
佛智利亦即受記是故此經名為不退轉法
輪廣博嚴淨亦名成就具足善根莊嚴方便
為作利益行大乘者阿難當知尔時如來廣
說是經無量菩薩皆得成就無生法忍無量
無邊阿僧祇等億數衆生皆悉得住不退轉
於阿耨多羅三藐三菩提佛說經已文殊師

利舍利弗阿難等及諸四眾比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等皆大歡喜頂受奉行作禮而去

不退轉法輪經卷第四

賴

澡浴

上音

爪

之巧反

矜

唐陵反

矜

恤也

矜

也

矜

矜

矜

上音

矜

也 娉

併反

脇

虛業反

拘

藪

俱也

盈

溢

美一

盈

溢

盈

美一

盈

也 咽膏

上音

咽

音

咽

音

咽

音

咽

音

咽

咽

咽

音

咽

